

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Ей, Бауырым!

ЖАРИЯЛАНДЫ

22.01.2023

ТІРЕК СӨЗДЕР

Мұқағали Мақатаев

СІЛТЕМЕ

<https://bilimger.kz/129730/>

ЕЙ, БАУЫРЫМ!

Ей, Бауырым!

Неге сонша сарғайдың?

Қапалансам, менің-дағы бар қайғым.

Мен жұртыма мұңымды емес,

Жырымды,

Қуанышым-шаттығымды арнаймын,

Қайғы-мұңы неге керек бір бастың,

Елім барда, есеңгіреп тұрмаспын.

Күндер маған көлеңкесін түсірсе,

Халқыма кеп, сырымды айтып, мұңдастым.

Қайтер дейсің қара бастың толғағы,

Өтер-кетер,

Шаруа ғой қолдағы.

Абдырасаң, арқа тірер айбының,

Асқар тауың күрсінбесе болғаны.

Ей, Бауырым!

Неге сонша мұңайдың?

Мен мұңайсам, сенен бетер жылаймын.

Көп ойланып, аз күрсінген халқыма,

Қараймын да,

Қайраттанам, шыдаймын.

Ерікті елміз, бүлінбеген қорғаны,

Бәрімізге белгілі ғой ол жағы.

Қайтер дейсің қара бастың толғағы,

Тек жұртымыз күрсінбесе болғаны.

Мұқағали Мақатаев

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.